

clinatio: quando in unam partem motus totus à copioso spiritu, vi magna incumbente sese impellit: & nisi celeriter ex altero loco ad restituenda inclinata prospiciatur, plerumque subuertit.

3 Altera hiatus nuncupatur, quando profundè terra dehiscit: quod fit dum uolenter & cōfertim erumpit spiritus ualidus & uehemens. Secūda.

4 Tertia agitatio, tremor. crispatio & succussio: Aristoteli pulsatio: quando terra ueluti intumescens assurgit, atque rursum residet. Tertia.

5 Quarta ἀνέωυμος est: quando magna terræ moles montis instar extrà egeritur. Aut ubi terræ pars aliqua subsidet: ex qua aut flumina, aut ignes erumpunt. Peripatetici in τρόμος κὶ σφύγμος, tremorem & pulsationem, quidquid id est distinxerunt. Quarta.

6 Tempora terræ motui dicta, sunt AEquinoctia, & quæ illa sequuntur hebdomades aliquot: quia tunc (ut suprà monuimus) in terra & extra uentorū materia inualescit. Quæ anni tēpora terræ motui obnoxia.

7 Omnium terræ motuum tutissimus est qui crispatio uocatur. Nam agitatio in aliquam certam partem uolenter non incumbit. Post hanc periculosa minus est arietatio, in qua motus alter alteri renititur. Periculum omnium maximū habent hiatus & impulsio. Qui terræ moti & periculosi.

8 Non aliud est in terra tremor, quàm id quod in nube tonitru facit: nec hiatus aliud, quàm quum fulmen è nube erumpit, incluso spiritu luctante, uiam (qua data porta) in multorum perniciem vi sibi redimente.